

Na osnovu člana 61. stav (2) Zakona o upravi („Službeni glasnik BiH“ br. 32/02, 102/09 i 72/17) i člana 3. stav (2) Bližih kriterija za dodjelu nagrade „Denis Mrnjavac“ za promociju tolerancije i nenasilja („Službeni glasnik BiH“ broj 62/23), Ministarstvo za ljudska prava i izbjeglice Bosne i Hercegovine, objavljuje

JAVNI POZIV

ZA PODNOŠENJE PRIJEDLOGA ZA DODJELU NAGRADE „DENIS MRNJAVAC“ ZA PROMOCIJU TOLERANCIJE I NENASILJA ZA 2024 GODINU

I

Ministarstvo za ljudska prava i izbjeglice Bosne i Hercegovine poziva sve srednje škole u Bosni i Hercegovini da predlože učenike za dodjelu nagrade „Denis Mrnjavac“ za promociju tolerancije i nenasilja za 2024. godinu.

Nagrada se dodjeljuje jednom srednjoškolu iz Federacije Bosne i Hercegovine, jednom srednjoškolu iz Republike Srpske i jednom srednjoškolu iz Brčko Distrikta Bosne i Hercegovine, koji su doprinijeli promociji ljudskih prava, tolerancije i međusobnog poštovanja, a posebno u borbi protiv nasilja među mladima.

Nagrada se dodjeljuje se kao godišnja nagrada.

II

Sve srednje škole u skladu s ustavnom nadležnosti obrazovanja imaju pravo predložiti učenike za doprinos i promociju ljudskih prava, tolerancije i međusobnog poštovanja među mladima putem resornih ministarstava nadležnih za obrazovanje.

U prijedlogu za dodjelu Nagrade potrebno je navesti:

- a) lične podatke predloženog učenika i podatke o školi (ime i prezime, razred koji pohađa, naziv i adresu škole koju pohađa),
- b) podatke o predlagaču (naziv i adresa škole, odgovorno lice),
- c) obrazloženje prijedloga u kojem treba navesti na koji način je predloženi učenik dao doprinos u promociji ljudskih prava, tolerancije i međusobnog poštovanja među mladima.

III

Ministar za ljudska prava i izbjeglice imenuje Komisiju za dodjelu nagrade.

Komisija za dodjelu nagrade pregleda pristigle prijedloge za dodjelu nagrade i za nagrađenog učenika predlaže onog učenika koji ispunjava najmanje jedan od sljedećih kriterija:

- a) pomaže profesorima u osvješćivanju drugih učenika kako treba težiti školi i društvu bez nasilja, pokazuje ličnim primjerom i druge podstiče na pozitivno, nenasilno i tolerantno ponašanje,
- b) podstiče i održava zdrave odnose u razredu/pozitivnu komunikaciju te socijalnu prihvaćenost svakog učenika u razredu i školi,
- c) pomaže drugim učenicima,
- d) ophodi se prema vršnjacima i odraslima s poštovanjem i ljubaznošću,
- e) sprječava konflikte, učestvuje u rješavanju sukoba i podstiče druge na nenasilno rješavanje sukoba,
- f) podstiče i podržava svoje kolege u pozitivnim i humanim idejama,

- g) prihvata različite obaveze prema drugim učenicima ili odraslim licima koje svjesno i odgovorno izvršava,
- h) organizira i učestvuje u humanitarnim akcijama,
- i) učestvuje sa drugim učenicima i profesorima u projektima prevencije vršnjačkog i drugih oblika nasilja.

V

Nagrađenom učeniku dodjeljuje se skulptura i posebno priznanje u vidu plakete.

Školi koju pohađa nagrađeni učenik dodjeljuje se posebno priznanje.

Svečana dodjela nagrada se, u pravilu, održava 6. februara za nagrađene po javnom pozivu iz prethodne godine.

VI

Prijedlozi za dodjelu nagrade dostavljaju se putem preporučene pošte na adresu:

Ministarstvo za ljudska prava i izbjeglice Bosne i Hercegovine

Trg Bosne i Hercegovine broj 1

71 000 Sarajevo

Sa naznakom: „JAVNI POZIV ZA PODNOŠENJE PRIJEDLOGA ZA DODJELU NAGRADE „DENIS MRNJAVAC“ ZA PROMICANJE TOLERANCIJE I NENASILJA ZA 2024 GODINU – NE OTVARAJ”

Rok za podnošenje prijedloga za dodjelu nagrade je 90 dan od dana objavljivanja Javnog poziva na internet stranici Ministarstva za ljudska prava i izbjeglice Bosne i Hercegovine. Nepotpuni i neblagovremeni prijedlozi za dodjelu nagrade neće se razmatrati.

Za sve dodatne informacije kontakt osoba je gđin Adnan Jasika telefon 033/703-961 ili email-a adnan.jasika@mhrr.gov.ba.

Broj: 01-02-2-110-1/24

Sarajevo, 15.01.2024.godine

